

傷寒六書

殺車槌法卷之三

餘杭節菴陶華述

新安吳中珩校

吾專傷寒深明與青脉正則道合神機用藥則隨乎  
取應的本續論全備發明殺車槌法世之罕有永為  
養生之寶矣今將秘驗三十七方就註三十七槌法  
二十條煎法二十條劫病并製解法名殺車槌也實  
為我肺腑不傳之妙我後子孫一字不可輕露莫與  
俗人言莫使庸醫見爾宜謹慎珍藏毋違我之致囑

也

劫病法

一傷寒發狂奔走人難制伏先於病人處生火一盆用醋一碗傾於火上其煙冲鼻入內即安方可察其陽狂陰燥親切用藥無差若初起頭疼發熱惡寒方除已後登高而歌棄衣而走踰垣上屋罵詈叫喊大渴欲死脉來有力乃因邪熱傳裏陽盛發狂當用寒藥下之此爲陽狂凡見舌卷囊縮者不治若病起無頭疼身微熱面赤戴陽煩燥脉來沉微無力欲坐臥於泥水中乃因寒熱而發燥即陰證似陽當用熱藥

溫之此為陰燥凡見厥冷下利清澀者不治醫者不  
看脈以虛陽上膈而燥誤為實熱反與涼藥使渴盛  
燥急則氣消成大害矣須詳脈來有力無力此為良  
法

傷寒腹中痛甚將凉水一盞與病人飲之其痛稍可  
者屬熱痛當用涼藥清之清之不已而或遶臍硬痛  
大便結實煩渴屬燥屎痛急用寒藥下之若食積痛  
同治法若小腹硬痛小水自利大便黑身目黃者屬  
蓄血痛亦用寒劑加行血藥下盡黑物則愈此三者  
皆痛隨利減之法也

若飲水愈加作痛屬寒痛當用溫藥和之和之不已  
而或四肢厥冷腹痛嘔吐瀉利急用熱藥救之須詳  
脈來有力無力此爲良法

傷寒直中陰經真寒證甚重而無脈或吐瀉脫元而  
無脈將好酒姜汁各半盞與病人服之其脈來者可  
治當察其陰用藥不拘脈浮沉大小但指下出見者  
生如用此法脈不至者必死又當問病人有何疼痛  
處若有痛證要知痛甚者脈必伏宜隨病制宜如無  
痛證用此法而脈至者此爲吉兆尤當問病人若平  
素原無正取脈須用覆手取之脈必見也此屬反關

脈診法與正取法同若平素正取有脈後因病謬之無脈者亦當覆手取之

取之而脈出者陰陽錯亂也宜和合陰陽如覆取正取俱無脈者必死矣此為良法

一傷寒舌上生胎不拘滑白黃黑俱用井水浸膚布片於舌上洗淨後用生薑片子時時浸水刮之其胎自退凡見舌生黑胎芒刺者必死此熱毒入深士有九死是腎水尅心火也若發黃者用生薑時時過身擦之其黃自退若心胸脇下有邪氣結實滿悶硬痛又法用生薑一觔搗渣去汁炒微燥帶潤用絹包於

患處欬欬之積可又將渣和均煎汁炒乾再熨許  
久豁然寬快俱為良法

一傷寒鼻衄成流久不止者將山梔炒黑色為細末  
次入鼻內外滴水紙搭於鼻中其血自止若點滴不  
成流者其邪在經未解照後秘方用藥不在此法

一傷寒熱邪傳裏服轉藥後鹽炒麩皮一升將絹包  
於病人臍上欬欬熨之使藥氣得熱則行大便易通  
矣

一傷寒吐血不止用韭汁磨京墨呷下其血見黑必  
止如無韭汁用鷄子清亦可正謂赤瀉火而黑屬水

也

一傷寒直中陰經真寒證或陰毒證身如被杖腹中  
絞痛嘔逆沉重不知人事四肢堅冷如石手指甲唇  
青藥不得入口六脉沉細或無脉欲絕者將葱縛一  
握切去根葉取白三寸許搗如餅先用射香半分填  
於臍中後放葱餅臍上以火熨之連換二三餅稍醒  
確入生姜汁煎服回陽救急湯如不醒再灸關元氣  
海二三十壯使熱氣通其內逼邪出於外以復陽氣  
如用此法手足溫和汗出即醒者為有生也如用此  
法手足不溫汗出不省人事者必死也此為良法



一傷寒熱病熱邪傳裏元極無解用黃連煎水一盞  
放井中頸冷浸青布搭在胸中徐徐換之待熱勢稍  
退即除不可久漬夏天用此法冬天不宜用

一傷寒服藥轉吐出不納者隨用竹管重揉內關後  
將生姜自然汁半盞熱飲其吐即止大凡服寒藥熱  
飲熱藥寒飲中和之劑溫和服之如要取汗雖辛甘  
之劑亦宜熱服如要止汗雖辛甘溫之劑亦宜溫服  
此為良法

一中風痰厥昏迷卒倒不省人事欲絕者先用皂莢  
末燃紙燒煙沖入鼻中有嚏可治隨用吐痰法將皂

粟末五分半夏白礬各三分爲細末姜汁調服探吐  
後服導痰湯加減治之無遺不可治此爲良法

一治乾霍亂不得吐者用滾湯一碗入皂莢末三分  
鹽一撮調服探吐莫與米湯設若與之卽死是殺氣  
反助邪氣也

一中寒卒倒昏迷不省者先用熱酒姜汁各半盞灌  
入稍醒後服加味理中飲爲效如不飲酒人止用姜  
汁灌之依法調治此證冬月甚有之餘月幾希矣

### 製藥法

一用附子去皮臍先將鹽水姜汁各半盞用沙鍋煮

七沸後入黃連甘草各半兩再加童便半盞再煮七沸住火良久撈起入磁器盛貯伏地氣一晝夜取出曬乾以備後用庶無毒害頂圓臍正一兩一枚者佳此爲良法

二用川火黃須錦紋者佳剉成飲片用酒拌均燥乾以備後用不傷陰血如年壯實熱者生用不須製之此爲良法

一用麻黃去節先淡醋湯洗及片時撈起以備後用庶免太發如冬月嚴寒應埋至密當生用者不須製之此爲良法

用藥更將鹽水拌切炒燥以備後用庶無小毒也  
為良法

解藥法

一用附子後身目紅者乃附毒之過用蘿蔔搗水  
汁二大盞入黃連甘草各半兩犀角三錢煎至八分  
飲之以解附毒其紅即除如解遲必血從耳目口鼻  
出者必死無蘿蔔用蘿蔔子搗水取汁亦可此為良  
法如無蘿蔔子用澄清泥漿水亦可也

一用大黃後瀉利不止者用烏梅二箇炒粳米一撮  
乾姜三錢人參炒白朮各半兩生附子皮一錢半其

草一錢升麻少許燈心一握水二大鍾去滓後入炒  
 陳壁土一匙調服即止取土氣以助胃氣也此為良  
 法

一用麻黃後汗出不止者將病人髮披水盆中足露  
 出外用炒糯米半升龍骨牡蠣藥本防風各一兩研  
 為細末週身撲之隨後秘方用藥免致亡陽而死為  
 良法

煎藥法

- 一用發汗藥先煎麻黃一一沸後入餘藥同煎
- 一用止汗藥先煎桂枝一一沸後入餘藥同煎

用和解藥先煎柴胡一二沸後入餘藥同煎

用下藥先煎滾水入枳實一二沸後入餘藥同煎

用溫藥先煎乾姜一二沸後入餘藥同煎

用行血藥先煎桃仁一二沸後入餘藥同煎

用利水藥先煎猪苓一二沸後入餘藥同煎

用止瀉藥先煎炒白朮一二沸後入餘藥同煎

用消渴藥先煎天花粉一二沸後入餘藥同煎

用止痛藥先煎白芍藥一二沸後入餘藥同煎

用發黃藥先煎茵陳一二沸後入餘藥同煎

用發斑藥先煎青黛一二沸後入餘藥同煎

一用發狂藥先煎石膏一二沸後入餘藥同煎

一用嘔吐藥先煎半夏一二沸後入餘藥同煎

一用勞力感寒藥先煎黃耆一二沸後入餘藥同煎

一用感冒傷寒藥先煎羌活一二沸後入餘藥同煎

一用暑證藥先煎香薷一二沸後入餘藥同煎

一用風病藥先煎防風一二沸後入餘藥同煎

一用腹如雷鳴藥先煎煨生薑一二沸後入餘藥同煎

煎

一用濕證藥先煎蒼朮一二沸後入餘藥同煎

一用三十七方就註三十七種法

升麻發表湯 卽麻黃湯自有加減法

治冬月正傷寒頭痛發熱惡寒脊強脈浮緊無汗為  
表證此足太陽膀胱經受邪當發汗以頭如斧劈身  
如火熾者宜用此湯

麻黃

桂枝

甘草

杏仁

升麻

川芎

防風

白芷

羌活

本經發熱惡寒頭痛無汗而喘者本方加乾薑去升  
麻

本經發熱惡寒身體痛者本方加蒼朮芍藥去杏仁



本經惡寒發熱身痒面赤者以其不得小汗出故也  
本方去白芷杏仁加柴胡芍藥

本經頭痛發熱惡寒胸中飽悶者本方加枳殼宿樓  
本經感寒深重服湯不作汗者宜再服至二三劑而  
汗不出者死

本經汗後不解者宜再服量證輕重用麻黃升麻分  
多寡爲當

水二鍾萐三片葱白二莖槌法加江西豆豉一撮煎  
之熱服取汗如神宜厚被覆首凡中病即止不得多  
服多則反加別病矣

疎邪實表湯 卽桂枝湯自有加減法

治冬月正傷風頭痛發熱惡寒春強脈浮緩自汗為  
表證此是太陽膀胱經受邪當實表散邪無汗者不  
可服

桂枝 赤芍藥 甘草 防風

川芎 羌活 白朮

如汗不止加黃耆 喘加柴胡杏仁

腦中飽悶加枳殼桔梗

水二鍾姜三片棗二枚槌法加膠節二匙煎之濕腿

羌活冲和湯 以代桂枝麻黃青龍各半等湯此大

殺車槌法 卷五

陽經之神藥也

治春夏秋非時感冒寒熱頭痛發熱惡寒吞強無汗  
脈浮緊此足太陽膀胱經受邪是表證宜發散不與  
冬時正傷寒全治法此湯非獨治三時暴寒春可治  
溫夏可治熱秋可治濕治雜證亦有神也秘之不與  
庸俗知此奇妙耳本方自有加減法備開于後

羌活

壹錢

防風

壹錢

蒼朮

壹錢

黃芩

壹錢

川芎

壹錢

白芷

壹錢

甘草

壹錢

生地黃

壹錢

細辛

伍分不可多

如胸中飽悶加枳殼桔梗去生地黃

夏月本方加石膏知母名神木湯如服此湯後不作  
汗本方加蘇葉喘而惡寒身熱本方加杏仁生地黃  
汗後不解宜再服汗下兼行加大黃釜底抽薪之法  
其春夏秋感冒非時傷風亦有頭痛惡寒身熱脈浮  
緩自汗宜實表本方去蒼朮加白朮汗不止加黃耆  
即加減冲和湯再不止以小柴胡加桂枝芍藥一錢  
如神

水二鍾姜三片棗二枚煎至一鍾使法加葱白搗汁  
五匙入藥再煎一二沸如發汗用熱服止汗用溫服  
柴葛解肌湯 即葛根湯本湯自有加減法

治足陽明胃經受證日疼鼻乾不眠頭疼眼眶痛脈  
來微洪宜解肌屬陽明經病其正陽明脈病別有治  
法

柴胡

乾葛

甘草

黃芩

芍藥

羌活

白芷

枳椇

本經無汗惡寒甚者去黃芩加麻黃冬月宜加秦宜  
少夏秋去之加蘇葉

本經有汗而渴者治法開在如神白虎湯下

水二鍾姜三片棗二枚梔法加右膏末一錢煎之熱  
服

柴胡雙解飲 即小柴胡湯本方自有加減法

治足少陽膽經受證耳聾脇痛寒熱嘔而口苦脈來

弦數屬半表半裏宜和解此經膽無出入有三禁不

可汗下吐也止有小柴胡一湯隨病加減再無別湯

柴胡

黃芩

半夏

甘草

人參

陳皮

芍藥

本經證小便不利者加茯苓

本經嘔者入姜汁竹茹 脇痛加青皮

痰多加瓜蒌仁貝母寒熱似瘧者加桂枝

渴者加天花粉知母

...

虛燥無津液加石膏 嗽者加五味金沸草壞蘇加

鰲甲

本經證心下飽悶未經下者非結胸乃表邪傳至胸  
中未入乎腑證雖滿悶尚爲在表只消小柴胡加枳  
桔未效就以本方對小陷胸加枳桔一服豁然其妙  
如神秘之不與俗人言之耳虛煩類傷寒證本方加  
竹葉炒粳米

本經與陽明合病本方加葛根芍藥如拾芥

婦人熱入血室加當歸紅花

男子熱入血室加生地黃

婦人傷寒無表證其熱脹者水方加大黃湯者煎  
區硝

水二鍾姜二片棗二枚桂枝法火生雙外三匙煎之湯

服

桂枝大黃湯 即桂枝湯內加大黃本方自有加桂

法

若足太陰脾經受證腹滿而痛咽乾而渴手足血脈  
來沉而有力此因邪熱從陽經傳入陰經也

桂枝

赤芍藥 甘草

大黃

枳實

柴胡



本經腹滿不惡寒而喘者加大腹皮去甘草  
水二鍾姜一片棗二枚煎之臨服槌法入枳柳磨水  
益匙熱服

加味理中飲 卽理中湯本方自有加減法

沿足太陰脾經受證自利不渴手足溫身無熱脈來  
沉而無力此屬臟寒

乾姜

白朮

人參

甘草

肉桂

陳皮

茯苓

厥陰消渴氣上衝心飢不欲食食卽吐或腹瀉大便秘  
實者本方加大黃蜜少許利之

本經腹滿時減者依本方去甘草

本經嘔吐者入半夏姜汁

本經蹇臥沉重利不止少加附子

利後身體痛者急溫之加附子

自利腹痛者入木香磨姜汁調服和之

水二鍾姜一片棗二枚煎之臨服旋法入炒陳壁土

一匙調服取土氣以助胃氣

茵陳將軍湯 即茵陳湯本方自有加減法

治足太陰脾經腹滿身目發黃小水不利大便實發

渴或頭汗至頸而還脈來沉重者宜用

大黃

茵陳

山梔

甘草

厚朴

黃芩

枳實

大便自調者去大黃厚朴加大腹皮利小便清為效

水二鍾姜一片槌法加燈心一握煎之熱服

導赤散 即五苓散本方自有加減法

治小水不利小腹滿或下焦蓄熱或引飲過多或小

水短赤而渴脉沉數者以利小便為先惟汗後亡津

液與陽明汗多者則以利小便為戒

茯苓

猪苓

澤瀉

桂枝

白朮

甘草

滑石

山梔

身目黃者加茵陳 水結胸證加木通燈心如  
小水不利而見頭汗出者乃陽脫也

得病起無執道譎語煩燥不安精采不與人相當此  
湯治之

水二鍾姜一片燈心二十莖槌法入鹽二字調服  
六乙順氣湯

以代大承氣小承氣調胃承氣大柴胡三乙承氣湯  
大陷胸等湯之神藥也舉世無人知此奇妙耳秘之  
莫與俗人言本方自有加減法備開

此湯治傷寒熱邪傳裏大便結實口燥咽乾怕熱譎

語揭衣狂妄揚手擲足斑黃陽厥潮熱自汗腦腹滿  
硬遠臍疼痛等證悉皆治之效不盡述

大黃

枳實

黃芩

厚朴

甘草

柴胡

芒硝

芍藥

潮熱自汗譫語發渴揚手擲足揭去衣被狂妄斑黃  
大便實者俱屬正陽明胃腑病依本方

口燥咽乾大便實者屬少陰依本方

下利純清心下硬痛而渴者屬少陰依本方

怕熱發渴譫妄手足乍冷乍溫大便實者陽厥證屬  
厥陰依本方舌卷囊縮者難治須急下之

譫語發渴大便實遶臍硬痛者有燥屎依本方

熱病目不明謂胃水已竭不能照物病已篤矣惟宜

急下依本方目中不了了即目不明也

轉屎氣者謂下泄也有燥屎焉當下之依本方如更

衣者止後服不必盡劑不更衣者宜再少與大便通

者愈

結胸證心下硬痛手不可近燥渴譫語大便實者依

本方去甘草加甘遂桔梗凡傷寒過經及老弱并血

氣兩虛之人或婦人產後有下證或有下後不解或

有表證尚未除而裏證又急不得不下者用此湯去

芒硝下之則吉蓋恐轉藥硝性燥急故有此戒大凡  
傷寒邪熱傳裏結實須看熱氣淺深用藥今之庸醫  
與俗醫不分當急下可少與宜微和胃氣之論一槩  
用大黃芒硝亂投湯劑下之因茲枉死者多矣余謂  
傷寒之邪傳來非一治之則殊耳病有三焦俱傷者  
則痞滿燥實堅全俱宜大承氣湯厚朴苦溫以去痞  
枳實苦寒以泄滿芒硝鹹寒以潤燥軟堅大黃苦寒  
以泄實去熱病斯愈矣邪在中焦則有燥實堅三證  
故用調胃承氣湯以甘草和中芒硝潤燥大黃泄實  
不用枳朴恐傷上焦虛無氤氳之元氣調胃之名自

此然矣上焦受傷則痞而實用小承氣湯枳實厚朴  
之能除痞大黃之泄實去芒硝不傷下焦血分之真  
陰謂不伐其根本也若夫大柴胡湯則有表證尚未  
除而裏證又急不得不下者只得以此湯通表裏而  
緩治之猶有老弱及血氣兩虛之人亦宜用此故經  
云轉藥孰緊有芒硝者緊也火承氣最緊小承氣次  
之調胃承氣又次之大柴胡又次之其大柴胡加大  
黃小柴胡加芒硝方爲轉藥蓋爲病輕者設也仲景  
又云蕩滌傷寒熱積皆用湯液切禁丸藥不可不知  
也



右先將水二鍾。滾三沸後入藥煎至八分。槌法臨時服入鐵繡水三匙調服。立效。取鐵性沉重之義。最能墜熱開結有神。此千金不傳之秘。若非吾之子孫。承繼焉肯泄露玄機。故戒耳。

如神白虎湯 即白虎湯本方自有加減法

治身熱渴而有汗不解或經汗過渴不解脈來微洪  
宜用

石膏

知母

甘草

人參

山梔

麥門冬

五味子

心煩者加竹茹一團如大渴心煩背惡寒者依本方

去山梔加天花粉無渴不可服此藥爲太急水二  
葉柴姜一片槌法加淡竹葉十片煎之熱服

三黃石膏湯

此湯治陽毒發斑身黃如金赤眼珠如火狂叫欲走  
六脈洪大燥渴欲死鼻乾面赤齒黃過經不解起成  
壞證表裏皆熱欲發其汗病熱不退又復下之犬壞  
遂頻小便不利亦有錯治溫證而成此證者又八九  
日已經汗下後脈洪數身壯熱拘急沉重欲治其內  
由表未解欲發其表則裏證又急越越不能措手待  
斃而已殊不知熱在三焦閉塞經絡津液榮衛不通

遂成此證又治汗下後三焦生熱脈洪譫語不休晝  
夜喘息鼻時加衄身目俱黃狂叫欲走者通用此湯  
治之有神人所不識

石膏壹兩 黃芩 黃連 黃柏各束

山梔叁拾箇 麻黃 香豉貳合

水三鍾姜三片棗一枚梔法入細茶一撮煎之熱  
服

### 三黃巨勝湯

此湯治陽毒發斑狂亂妄言大渴叫喊目赤脈數大  
便燥實不通上氣喘急言卷囊縮難治者權以此湯

劫之三黃石膏湯內去麻黃豆豉加大黃芩硝是也  
水二鍾姜一片棗二枚煎之槌法臨服入泥漿清  
水二匙調服即安

沖和靈寶飲

治兩感傷寒起於頭痛惡寒發熱口燥舌乾以陽先  
受病多者以此湯探之中病即愈

羌活

防風

川芎

生地黄

細辛

黃芩

柴胡

甘草

乾葛

白芷

石膏

水二鍾煨生姜三片棗二枚槌法入黑豆一撮煎之

溫服取微汗爲愈如不愈表證多而甚急者方可用  
麻黃葛根爲解表如裏證多而甚急者先以調胃承  
氣爲攻裏是也

如以陰經自中病發熱下利身疼痛脈沉細無力不  
渴倦臥昏重者又當先救裏溫之回陽救急湯是分  
表裏寒熱而治此其權變大法也歟古云兩感雖爲  
死證猶有可救之理及用藥先後寒熱之劑若發表  
攻裏一誤則枉死者多矣良可痛哉深可惜哉予將  
不傳之妙秘驗之方盡吐露非惟救人有功亦且陰  
陽匪輕謹之慎之母怠毋忽

桃仁承氣對子 卽桃仁承氣湯本方自有加減法  
治熱邪傳裏熱蓄膀胱其人如狂小水自利大便黑  
小腹滿痛身目黃譫語燥渴爲蓄血證脉沉有力宜  
此湯下盡黑物則愈未服前而血自下者爲欲愈不  
宜服

桃仁

桂枝

芒硝

大黃

芍藥

柴胡

青皮

當歸

甘草

枳實

水二鍾姜三片煎之臨服槌法入蘇木煎汁三匙  
調服

消斑青黛飲

治邪熱傳裏裏實表虛血熱不散熱氣乘於皮膚而  
爲斑也輕則如疹子重則如銀紋重甚則斑爛皮膚  
或本屬陽誤投熱藥或當下不下或下後未解皆能  
致此不可發汗重令開泄更加斑爛也然而斑之方  
前與蚊迹相類發斑多見於胸腹蚊迹只在於手足  
陽脈洪大病人昏憤先紅後赤者斑也脈不洪大病  
人自靜先紅後黃者蚊迹也其或大便自利拂鬱氣  
短燥屎不通又如果實懸暑虛醫復生不能施其巧  
矣凡汗下不解是冷耳聾煩悶欬嘔便是發斑之候

黃連

甘草

石膏

知母

柴胡

玄參

生地黃

山梔

犀角

青黛

人參

大便秘者去人參加大黃

右水二鍾姜一片棗二枚煎之梔法臨服入青酒

一匙調服

生地芩連湯

此湯治鼻衄成流久不止者或熱毒入深吐血不止

者宜用

黃芩

山梔

桔梗

甘草



生地黃

黃連

柴胡

川芎

芍藥

犀角

如無升麻代之

外用却法水紙搭於鼻冲

如法血過多錯語失神撮空閉目不知人事者同治法

水二鍾棗二枚煎至八分槌法臨服入茅根搗汁磨京墨調飲如無茅根以藕搗汁亦可

加味犀角地黃湯

此湯治煩燥漱水不下咽者屬上焦有瘀血宜用

犀角

生地黃

牡丹皮

芍藥

甘草

桔梗

陳皮

紅花

當歸

水三鍾姜二片煎之隨服棗法入生藕節搗汁三

匙溫服

回陽救急湯 即四逆湯本方自有加減法

治寒邪直中陰經真寒證初病起無身熱無頭疼止  
惡寒四肢厥冷戰慄腹疼吐瀉不渴引衣自蓋蹇臥  
沉重或手指甲唇青或口吐涎沫或至無脈或脈來  
沉遲而無力者宜用

熟附子

乾姜

人參

甘草

白朮

肉桂

陳皮

五味子

茯苓

半夏

或嘔吐涎沫或有小腹痛加鹽炒茱萸

無脈者加猪膽汁一匙

泄瀉不止加升麻黃耆 嘔吐不止加姜汁

水二鍾姜三片煎之臨服入射香三釐調服中病以

手足溫和即止不得多服多則反加別病去如後止

可用前理中飲加減治之無妨

回陽反本湯

此湯治陰盛格陽陰極發燥微渴面赤欲坐臥於泥

此井中脉來無力或脉空無欲絕者宜用

熟附子

乾姜

甘草

人參

麥門冬

五味子

臘茶

陳皮

百載陽者下虛也加葱七莖黃連少許用澄清泥漿水一鍾煎之臨服入蜜五匙頓冷服之取汗為效

柴胡百合湯

此湯治瘥後昏沉發熱渴而錯語失神及百合勞後等證

柴胡

人參

黃芩

甘草

知母

百合

生地黄

陳皮

渴加天<sup>○</sup>粉 胸中煩燥加山梔

有微頭疼加羌活川芎 嘔吐入姜汁炒半夏

胸中飽悶加枳殼桔梗

食復者加枳實黃連甚重大便實者加大黃

胸中虛煩加竹茹竹葉

瘧後乾嘔錯語失神呻吟睡不安者加黃連犀角咳

喘者加杏仁百合宜加麻連

心中驚惕爲血少加當歸茯苓遠志

虛汗者加黃耆 脾倦加白朮

腹如雷鳴加煨生姜 勞復時熱不除加葶藶烏梅

生艾汁

水二鍾棗一枚姜三片梔法醋煮蟹甲煎之温服如聖飲

治剛柔二症頭搖口噤身反張手足攣搐頭面赤項強急與癩癧同治法

羌活

防風

川芎

白芷

柴胡

芍藥

甘草

當歸

八烏藥

半夏

黃芩

有汗是柔症加白木桂枝無汗是剛症加麻黃杏仁木口噤者如大便瀉用大黃煎之

本草卷之三

卷之三

卷之三

水二鍾姜三片煎之臨服入姜汁竹瀝溫經湯

治因汗後大虛頭眩振振欲墜并肉腠筋惕及因發汗大多衛虛亡陽汗不止或下後利不止身疼痛者併皆治之

熟地黃

人參

白朮

黃耆

甘草

白芍藥

當歸

生地黃

白茯苓

陳皮

肉桂

如飽悶加枳殼去地黃 如瘦人去芍藥有熱入附子利不止加炒白朮升麻陳璧土共煮

加姜汁製半夏。渴者加天花粉。

後惡風寒屬表虛去附子肉桂生地黃加桂枝膠

飴水二鍾姜三片棗一枚槌法加糯米十撮煎之

溫服

逍遙湯

治有患傷寒瘧後血氣未平勞動助熱復還於經絡

因與婦人交接搖慾而復發不易有病者謂之勞復

因交接淫慾而無病人反得病者謂之陰陽易子

見舌出數寸而死者多矣此證最難治必宜此湯

人參

知母

條青

如卵縮腹痛倍



加黃連

甘草

滑石

生地黄

萆根

柴胡

犀角

水二鍾棗二枚姜三片煎之槌法臨服入燒視襍末一錢半調服有黏汗出爲效不黏汗出再服以小水利陰頭腫卽愈

井陽散火湯

此湯治有患人叉手冒腦舉衣摸床譫語昏沉不醒入事俗醫不識見病便呼爲風證而因慮藥誤人死者多矣殊不知汗熱乘於肺金元氣虛不能自主持名曰撮空證小便利者可治小便不利者不可治

人參

當歸

柴胡

芍藥

黃芩

甘草

白朮

麥門冬

陳皮

茯苓

有痰者加姜汁炒半夏 大便燥實譫語發渴加大黃  
黃泄漏者加升麻炒白朮

水二鍾姜三片棗二枚槌法入金首飾煎之熱服  
再造散

治患頭疼發熱項脊強惡寒無汗用發汗藥二三劑  
汗不出者庸醫不識此證不論時令遂以麻黃重藥  
及火劫取汗誤人死者多矣殊不知陽虛不能作汗

故有此證名曰無陽證

黃耆

人參

桂枝

甘草

熟附

細辛

羌活

防風

川芎

煨生姜

夏月加黃芩石膏 冬月不必加

水二鍾棗二枚煎至一鍾槌法再加炒芍藥一撮

煎三沸溫服

黃龍湯

治有患心下硬瀉下利絕清水譫語發渴身熱庸醫  
不識此證但見下利便呼為漏底傷寒而便用熱藥

豈之就步抱薪積火誤人死者多矣殊不知此因熱  
邪傳裏胃中燥屎結實此利非內寒而利乃日逐自  
飲湯藥而利也直急下之名曰結熱利證身有熱者  
宜用此湯身無熱者用前六乙順氣湯

大黃

芒硝

枳實

厚朴

甘草

人參

當歸

年老氣血虛者去芒硝

水二鍾姜三片棗子二枚煎之後再加桔梗一湯  
熱服爲度

調榮養衛湯

卽補中益氣湯

治有患頭疼身熱惡寒微渴漉然汗出身作痛脚腿  
酸疼無力沉倦脉空浮而無力庸醫不識因見頭疼  
惡寒發熱便呼爲正傷寒而大發其汗所以輕變重  
而害人者多矣殊不知勞力內傷氣血外感寒邪宜  
少辛甘溫之劑則愈名曰勞力感寒證故經云勞者  
溫之損者溫之溫能除大熱正此謂也有下證者太  
柴胡下之則緩

人參

黃耆

當歸

生地黃

川芎

柴胡

陳皮

甘草

細辛

羌活

防風

白朮

元氣不足者加升麻少許須知元氣不足者至陰之  
下求其升口渴加天花粉知母喘嗽加杏仁夫升麻  
汗不止加芍藥去升麻細辛腦中煩熱加山梔竹茹  
乾嘔者加姜汁炒半夏腦中飽悶加枳殼桔梗去生  
地黃甘草黃耆白木少許痰盛者加瓜蒌仁貝母去  
防風細辛腹疝去耆木加芍藥乾姜和之其因血鬱  
內傷有痛處或大便黑加桃仁紅花去芍辛菴防黃  
耆白木太甚者加大黃下盡瘀血則愈後撮本方去  
大黃調理

水二鍾姜三片棗二枚搗法入葱白一莖煎之溫服

錢車進去

導赤各半湯

治患傷寒後心下不硬腹中不滿大小便如常身熱  
寒熱漸變神昏不語或睡中獨語一二句目赤唇焦  
舌乾不飲水稀粥與之則嘔不語則不思形如醉人  
膺醫不識而誤人者多矣殊不知熱傳于少陰心也  
心火上而通肺所以神昏名越經證

黃連

黃芩

甘草

犀角

麥門冬

滑石

山梔

茯苓

知母

人參

米二鍾姜蜜煎之加燈心一握煎沸熱服

養元湯

治有患身熱頭疼全無不煩便作燥悶面赤飲水不  
得入口庸醫不識呼為熱證而用涼藥誤死者多矣  
殊不知元氣虛弱是無根虛火泛上名曰戴陽證

熟附

甘草

乾姜

人參

五味

麥門冬

黃連

知母

葱

艾

水二鍾姜一片棗二枚煎之臨服槌法入重便三匙  
頃冷服

桂苓飲



治有患初得病無熱語煩燥不安精采不與人相  
當庸醫不識呼為狂發誤用下藥死者多矣殊不知  
此因熱結膀胱名曰如狂證

猪苓

澤瀉

桂枝

甘草

白朮

知母

黃柏

山梔

蘇葉

水二鍾姜三片煎至一鍾梔法再加滑石末一錢煎  
三沸溫服取微汗為效

當歸活血湯

有患心無頭疼無惡寒止則身熱發渴小便利大便懸

口出無倫語庸醫不識呼為熱證而用涼劑誤人多矣殊不知內傳心脾二經使人昏迷沉重故名扶血如見崇

當歸

赤芍藥

甘草

紅花

桂心

乾姜

枳殼

生地黃

人參

柴胡

桃仁泥

服三貼後去桃仁紅花乾姜桂心加白朮茯苓水二鍾姜一片煎之槌法入酒三匙調服

加味導痰湯

有患憎寒壯熱頭痛昏沉迷悶上氣喘急口出涎沫

設車遠去

卷之三

三十九

庸醫不識皆為傷寒治之誤人多矣殊不知此因內傷七情以致痰迷心竅神不守舍神出舍空空則生也名曰挾痰如鬼祟痰證類傷寒與此同治法

茯苓

半夏

南星

枳實

黃芩

白朮

陳皮

甘草

桔梗

黃連

瓜蒌仁

人參

正力壯盛先用吐痰法次服此湯

水二鍾姜三片棗二枚煎之臨服趨法入竹瀝姜汁

溫服

加減調中飲

治食積類傷寒頭疼發熱惡寒氣口脈緊盛但身不  
痛此與為異耳經云飲食自倍腸胃乃傷輕則消化  
重則吐下此良法也

蒼木

厚朴

陳皮

甘草

白朮

山查

神曲

枳實

草菓

黃連

乾姜

腹中痛加桃仁 痛甚大便實熱加大黃下之去山  
查草菓神曲乾姜

心中兀兀欲吐者與乾霍亂同吐法用滾水一碗入  
鹽一撮皂莢末五分探吐

水之鍾姜一片煎之槌法臨服入木香磨取汁調飲

即效

加減續命湯

治脚氣類傷寒頭疼身熱惡寒支節痛便秘嘔逆脚軟屈弱不能轉動但起於脚膝耳禁用補劑及淋洗

防風

芍藥

白朮

川芎

防己

桂枝

甘草

麻黃

蒼朮

羌活

暑中二陽所患必熱脉來數去附子桂枝麻黃加黃

本黃柏柴胡

寒中三陰所患必冷脉來遲加附子

遲於濕者脉來弱加牛膝木瓜

遲於風者脉來浮加獨活 无氣虛加人參少許太

便實者加大黃

承二鍾棗二枚姜一片燈心二十蓬煎之槌法入姜

汗調之温服

本連消毒湯

治天行大頭病發熱惡寒頭項腫痛脉洪取作痰火

治之其喉痺者亦照此方治之

柴胡

甘草

桔梗

川芎

新集法 卷三 五

黃芩

荊芥

黃連

防風

羌活

枳殼

連翹

射干

白芷

先加大黃利去一二次 後依本方去大黃加人參

當歸調理

水二鍾姜三片煎至一鍾鼠黏子一撮丹煎二沸梅

法入竹瀝姜汁調服

以神通解散

沿時行三月後謂之晚發頭痛身熱惡寒脈洪數先

用中和湯不愈後服此湯

麻黃

甘草

黃芩

石膏

滑石

蒼朮

川芎

羌活

細辛

水二鍾半女三片槌法入豆豉一撮葱白一莖煎之熟  
服取汗中病即止

幾重槌法卷之二



傷寒二提金卷之四

餘杭節菴陶華述

新安吳中珩校

一提金啓蒙

余謂初學醫者先孰藥性次明經絡再識病名然後  
講解脉理以證其所生病證脉相同藥無不應病家  
云發熱惡寒頭項痛腰脊強則知病在太陽經也身  
熱目痛鼻乾不得眠則知病在陽明經也胸脇痛耳  
聾口苦舌乾往來寒熱而嘔則知病在少陽經也腹

痛咽乾手足自溫或自利不渴或腹滿時痛則知病在太陰經也引衣踈卧惡寒或舌乾口燥則知病在少陰經也煩滿囊縮則知病在厥陰經也潮熱自汗譫語發渴不惡寒反惡熱揭去衣被揚手擲足或發斑黃狂亂五六日不大便則知病在正陽明胃腑病也設若脉證不明誤用麻黃令人汗多亡陽誤用承氣令人大便不禁誤用姜附令人失血發狂正為寒涼耗其胃氣辛熱損其汗液燥熱助其邪熱庸醫殺人莫此為甚傷寒之邪實無定體或入陽經氣分則太陽為首其脉必浮輕手使得或入陰經血分則少

陰爲先其脉必沉重手方得浮而有力無力是知表  
之虛實沉而有力無力是知裏之寒熱中而有力無  
力是知表裏緩急脉有浮沉虛實證乃傳變不常治  
之之法先分表裏寒熱陰陽虛實標本先病爲本次  
病爲標先以治其急者此爲上工問證以知其外察  
脉以知其內全在活法二字不可拘於日數但見水  
陽證在直攻太陽但見少陰證在直攻少陰但見  
寒直救真寒但見三證且便作主張不必悉具當知  
何處治此爲活法若同而異者明之似是非非者辨  
之在表者汗之散之在裏者利之下之在虛者因而

越之下陷者亦而舉之從乎中者和解之直中陰經者溫補之若解表不開不可攻裏日數雖多但有表證而脉浮者尚宜發散此事不明攻之爲逆經云一逆尚引日再逆促命期若表證解而裏證具者不可攻表日數雖多但有裏證而脉沉實者忌當下之此事不明禍如尺掌經云邪熱未除復加燥熱抱薪積火矣如直中陰經真寒證然無熱惡寒不渴宜溫補切禁寒涼此事不明殺人甚速經云非徒無益而反害之陰證出陽者溫之陽證似陰者下之陽毒者分輕重下之陰毒者分緩急溫之陽狂者下之陰

厥者溫之濕熱發黃者利之下之血證發黃者清之  
下之發斑者清之下之譫語者下之溫之痞滿者消  
之瀉之結胸者解之下之太陽證但少陰者溫之少  
陰證但太陽者汗之衄血者解之止之發喘者汗之  
下之咳嗽者利之解之正傷寒者大汗之大下之感  
冒暴寒者微汗之微下之勞力感寒者溫散之溫極  
病者微解之大下之此經常之大法也有病經已  
用熱藥而又用寒藥如少陰證用白虎湯四逆散  
藥者少陰證用四逆湯真武湯熱藥者庸俗狐疑詭  
能措手哉嗚呼能奪傷寒之證名而得傷寒之方脉

如此親切乃爲良醫是知寒藥治少陰乃傳經證  
也是知熱藥治少陰乃直中陰經之寒證也辯名定  
經明脉識證驗證用藥真知在表而汗真知在裏而  
下真知直中陰經而溫如此而汗如彼而下又如彼  
而溫幸熱之劑投之不差寒涼之藥用之必當病矣  
逃乎頃分輕重緩急老少虛實久病新發婦人胎產  
室女經水大凡有胎產而傷寒者不與男子傷寒同  
治法無胎產者治相同婦女經水適斷適來寒熱但  
瘧者卽是熱入血室但當和解表裏久病者過經不  
解壞證也新發者始病也老者血氣衰少者血氣壯

緩者病之輕急者病之重寒藥熱服熱藥涼服其中  
和之劑溫而服之戰汗分爲四證要知邪正盛衰類  
傷寒四證照常法則治之雖云發蒙實登仲景之梯  
階也余雖專傷寒科必出乎庸俗誇誕之醫萬萬且  
余一生所蓄肺腑家秘語句方法俱已備載發揮窺  
我門牆者雖有多人然片言不繁之要不得再四經  
目講明故述啓蒙捷法脉要貫珠數一一開註明白  
所示自宜謹慎深密勿授受於非人毋輕泄於濼薄  
莫負我之用心耳

一提金六經證治捷法

太陽經見證法

頭項痛腰脊強發熱惡寒惡心是足太陽膀胱經受證假如先起惡寒者本病已後發熱者標病若有一毫頭痛惡寒身熱不拘日數多少便宜發散自然熱退身涼有何變證

辯證法

表虛自汗者爲風傷衛氣宜實表  
表實無汗者爲寒傷榮血宜發表

診脈法

脈浮緊有力爲傷寒



脈浮緩無力爲傷風

用藥法

冬月正傷寒用升陽發表湯即加減麻黃湯

冬月傷風用疎邪實表湯即加減桂枝湯

春秋無汗用羌活沖和湯發表有汗用加減沖和湯

實表

夏月無汗用神木湯有汗用前加減沖和湯

陽明經見證法

目痛鼻乾不眠微惡寒是足陽明胃經受證假如先

起目痛惡寒身熱者陽明經本病已後潮熱自汗譫

語發渴太便實者正陽明胃腑標病本宜解肌寒宜  
急下只看消息用之

辯證法

目痛鼻乾微惡寒身熱病在經

潮熱自汗濇語發渴便實不惡寒病在腑

診脈法

脈見微洪為經病

脈見沉數為腑病

用藥法

微惡寒自然目腫痛鼻乾不眠者用柴葛解肌湯

加減葛根解肌湯渴而有汗不解者如神白虎湯即  
加減白虎湯

潮熱自汗譫譫發渴揭去衣被擲足斑黃狂亂  
不惡寒反怕熱大便實者輕則大柴胡湯重則三承  
氣選用俱在秘方六一順氣湯內加減治之

少陽經見證法

耳聾脇痛寒熱嘔而口苦是足少陽膽經受證假如  
先起惡寒身熱耳聾脇痛者本病已後嘔而舌乾口  
苦者標病緣膽無出入病在半表半裏之間止宜小  
柴胡一湯加減和解裏裏治之再無別湯本方自有

加減法此經有三禁不可汗下吐也若治之得法有何壞證常須識此宜當審焉

辯證法

耳聾脇痛寒熱嘔而口苦舌乾便屬半表半裏證不從標本從乎中治

診脈法

脈見弦數本經證

用藥法

耳聾脇痛寒熱嘔而口苦舌乾者用柴胡雙解飲即加減小柴胡湯

太陰經見證法

腹滿自利津不到咽手足溫者是足太陰脾經受證  
假如先起腹滿咽乾者本病已後身自黃標病內有  
寒熱所分不可混治臨病之際用在得宜

辨證法

腹滿咽乾發黃者屬腑熱

自利不渴或嘔吐者屬臟寒

診脈法

脈見沉而有力宜當下

脈見沉而無力宜當溫

用藥法

腹滿咽乾手足溫腹痛者桂枝大黃湯即加減桂枝湯身目黃者茵陳大黃湯即加減茵陳湯自利不渴或嘔吐者加味理中飲即加減理中湯重則回陽救急湯即加減四逆湯

少陰經見證法

舌乾口燥是足少陰腎經受證假如先起舌乾口燥者本病已後譫語大便實者標病至陰經則難拘定法或可溫而或可下因分直中者寒證傳經者熱證是其發前人之所未發也

辨證法

火要口燥舌乾渴而譫語大便實者知其熱須詳  
吐瀉利不渴或惡寒身痛者別其寒

診脈法

脈見沉實有力宜當下

脈見沉遲無力宜當溫

用藥法

口燥咽乾渴而譫語大便實或遶臍硬痛或下利  
清水心下硬痛者俱是邪熱燥屎使然急用六乙  
氣湯分輕重下之即承氣湯有加減法無熱惡寒

冷躄卧不渴或腹痛嘔吐瀉利沉重或陰毒手指甲  
唇青嘔逆絞痛身如被杖面如刀刮戰慄者俱是寒  
邪中裏使然急用回陽救急湯溫之即四逆湯有加  
減法

厥陰經見證法

煩滿囊拳者是足厥陰肝經受證假如先起消渴煩  
滿者本病已後舌卷囊縮者標病亦有寒熱兩端不  
可槩作熱治

辯證法

煩滿囊拳消渴者屬熱



口吐涎沫不渴厥冷者屬寒  
宿瘡不嘔清便必自愈

診脈法

脈沉實者宜當下

脈沉遲者宜當溫

脈浮緩者病自愈

用藥法

消渴煩渴舌卷囊縮大便實手足乍冷乍溫者急用  
六一順氣湯下之即承氣湯有加減法口吐涎沫厥  
四肢厥冷不溫過乎肘膝不渴小腹絞痛嘔逆者急

用柴萆四逆湯溫之即回陽救急湯自有加減法

### 一提金脉要

或人問曰治傷寒先明脉證脉證不明取方無法脉證既明工中之甲夫脉之一字實先天後天之造化何爲先天何爲後天何爲脉也荅曰人之陰陽即爲先天人之氣血即爲後天脉者非血非氣乃血氣之先即營行之道路又問曰既知先後天之脉理須明持脉之要曰舉曰按曰尋三字若此不明則陰陽表裏虛實何以別之持脉者輕手循之曰舉重手取之曰按不輕不重委曲求之曰尋初持輕手候之脉見

皮膚之間便得曰浮是太陽經脈也有功者上其邪  
在表無汗爲寒傷榮血表實者宜汗之無力者生風  
邪在表有汗爲風傷衛氣表虛者宜實之脈附於肌  
肉之下筋骨之間而得曰沉是三陰經脈也其三陰  
俱是沉脈妙在指下有功無力中分有力者主熱邪  
在裏爲裏實宜下之無力者主寒邪中裏爲裏虛宜  
溫之不輕不重中而取之乃得其脈應於血肉之間  
陰陽相半若見微洪是陽明經脈也主邪在表多裏  
少宜解肌若見弦數是少陽經脈也主邪在半表半  
裏宜和解前之所云陰陽表裏虛實寒熱俱在浮中

三脉有力無力中分有力者為陽為實為熱無力

者為陰為虛為寒若浮沉中之不見則委曲而求之

非隱若見則陰陽伏匿之脉也三部皆然或曰君之

了然非庸俗所能識也其三脉中有進退焉有伏脉

焉有可解不可解焉有欲至焉有燥亂焉請備言其

所由谷曰脉大者為病進大則邪氣勝而正氣無權

脉緩者為邪退緩則胃氣和而邪氣無權何謂伏脉

一手無脉曰單伏兩手無脉曰雙伏若病初起頭痛

發熱惡寒而脉伏者緣陰邪陷於陽中不得發越此

欲汗而當攻之使邪氣退而正氣復脉自至而病自

際如欲雨則天鬱熱晴霽失乃反涼之可見也若七八日以來別無刑剋證候或昏冒不知人事或脉全無者此欲汗而勿攻之如六合陰晦雨後庶物皆甦換陽之吉兆也何謂可解不可解脉浮緩在表者以汗解之脉沉實在裏者以下解之脉沉遲在裏者以溫解之且夫浮汗沉下而溫固其宜也然浮宜下沉宜汗其故又何耶荅曰浮而下者因大便難也設使大便不難豈敢下乎沉而汗者因表有熱也設使身不發熱豈敢汗乎何謂歇至如寒邪直中陰經溫之而斷續者爲歇至何謂燥亂因汗下後脉當靜今反

盛者曰燥亂大凶之兆也然則君之言有所據乎吁  
難言也此出經常大法之格言也客欣然起而謝曰  
予雖白首無窮生平仰慕不意邂逅幸獲開予茅塞  
正謂鼯鼠而發千鈞之弩甚所不當可謂切而磋琢  
而磨者也較今庸俗實醯雞坎蛙不知甕外之有天  
井外之有海耳感君發明于後豈非再來人乎遂筆  
錄以示之

提金買珠數

六六霜降至春分冬日發者爲正傷寒表證見者用辛  
熱之藥大發汗裏溫見者用寒涼之藥急攻下此與

非時傷寒不同治方論開的本槌法中不再錄

及春分至夏至前有頭疼發熱不惡寒而渴者為溫病用辛涼之藥微解肌不可大發汗裏證見者用寒涼之藥急攻下若誤下之未必為害誤汗之變不可言當須識此三月後得此證者為晚發治發同表證不與冬時正傷寒同治法裏證治相同方論開在的本槌法中不再錄

又夏至後有頭疼發熱不惡寒而渴此名溫病愈加熱者名熱病止用辛涼之藥微解肌不宜大發汗裏證見者止用大寒之藥急攻下表證不與正傷寒同

治法裏證治相同方論開在的本槌法中不再錄  
及秋至霜降前有頭疼發熱不惡寒身體痛小便短  
者名溫病亦用辛涼之藥加燥劑以解肌亦不宜大  
發汗裏證見者用寒涼藥急攻下表證不與正傷寒  
同治法裏證治相同方論開在的本槌法中不再錄  
其春夏秋三時有患頭疼身熱亦有惡寒者即是感  
冒非時暴寒之輕非比冬時正傷寒之重俱用辛涼  
之劑小發汗若裏證見者用寒涼之藥急攻下表證  
不與正傷寒同治法裏證治相同方論開在的本槌  
法中不再錄



其四時有患頭疼發熱體弱身倦骨痛腰酸目汗出口微渴脉空浮大而無力者勞力感寒證當用溫涼之劑溫經散寒切禁大發汗裏證見者中和之劑加轉藥微下之不可急攻利方論開在的本槥法中不再錄

其四時有患頭疼身熱惡寒老幼相傳者名時疫說用辛涼之藥微解表裏證見者急攻下從病制宜不與正傷寒同治法方論開在的本槥法中不再錄若先起頭疼發熱惡寒已後傳裏頭疼惡寒者以而反怕熱發渴譫語或潮熱自汗大便不通或揭去衣

被揚手擲足或發斑黃狂亂此爲陽經自表傳入陰  
經之熱證俱當攻裏下之設或當下失下而變出手  
足乍冷乍溫者因陽極發厥卽陽證倡陰名陽厥急  
當下之又有失於汗下或本陽證誤投熱藥使熱毒  
入深陽氣獨成陰氣暴絕登高而歌棄衣而走罵詈  
叫喊燥渴欲死面赤眼紅身發斑黃或下利赤黃六  
脈大名陽毒發斑證用酸苦之藥令陰氣復而大汗  
解矣如大便實者又當大寒之藥下之此與發狂不  
同治方論開在的本槌法中不再錄

若初病起無頭疼無身熱就便怕寒厥冷腹痛嘔吐

瀉利不渴踈臥沉重戰慄脉沉細此爲直中陰經也  
寒證不從陽經傳來常用熱藥溫之如寒極而手足  
厥冷過乎肘膝者因寒極發厥名陰厥急當救裏溫  
之此與陽厥不同治又有初病起外感寒邪內傷生  
冷內既伏陰內外皆寒或本真陰誤投涼藥使陰氣  
獨盛陽氣暴絕以致病起手足厥冷腰背強重頭脹  
痛嘔吐煩悶下利腹痛身如被杖六脉沉細湯飲  
不下已後赤氣漸深入腹攻心咽喉不利腹痛轉甚  
心下脹滿結硬如石燥渴欲死冷汗不止或時鄭聲  
指甲面色青黑速灸關元氣海瀆服大熱之劑溫之

此名陰毒令陽氣復而大汗解矣

若夏月大發熱頭疼燥渴背惡寒微汗脉虛無力口  
齒燥者名中暑用寒涼之劑清之方論開在雜證中  
不再錄

若病人身微熱煩燥面赤戴陽欲坐卧於泥水井中  
脉來沉細無力此陰發燥名陰燥當用辛熱之藥溫  
之不宜涼劑誤用之其燥急渴甚必死矣若病人身  
冷脉沉細而疾雖煩燥不欲飲水入口者此名陰盛  
格陽亦用大熱之劑溫之方論開在簡本極法中不  
再錄

一傷寒失於汗下使熱邪傳裏燥渴譫語小水自利  
大便黑小腹硬痛或身黃是下焦蓄血如在證此與  
陽狂不同治宜下盡黑物則愈及論開在的本樞法  
中不再錄

一傷寒初得病與表熱但狂言煩燥不安精采不與  
人相當此因熱結膀胱其人如太陽經之裏證也自  
有太陽經之裏藥治不與陽狂同治法方論開在的  
本樞法中不再錄

一傷寒小水不利大便實小腹滿燥渴譫語怕熱身  
目黃此名濕熱發黃輕則疎利重則大下此與血證

發黃不同治方論開在的本槌法中不再錄

一傷寒失於汗下血熱不散故成發斑大抵不宜發汗輕則化之重則下之起於胸腹先紅後赤者曰發斑起於手足先紅後黃者曰蚊迹臨病之際宜詳審焉方論開在的本槌法中不再錄

一傷寒少陰證惡寒發熱無頭疼誤以大發汗使血從耳目口鼻中出者名陰血多不治此與鼻衄陽血不同治方論開在的本槌法中不再錄

一傷寒太陽證發熱惡寒頭痛或微喘鼻中出血者爲衄血名陽血瀆分點滴成流此與陰血不同治方

論開在的本槌法中不再錄

一傷寒失於汗下邪熱傳裏使水瀉糞燥大便不通  
必發喘語或心下硬痛下利純清水燥渴口出無倫  
語亦譫語凡此皆實當寒涼之劑下之又有汗多陰  
陽或下後利不止身疼痛或自利清穀譫語者凡此  
皆虛當辛熱之劑溫之此與狂言相類方論開在的  
本槌法中不再錄

一傷寒餘熱不除蘊在心胞使精神短少目眵昏沉  
睡中言語一二句者名獨語宜涼劑清之此與譫語  
不相類方論開在的本槌法中不再錄

一提金  
卷之六  
六

一傷寒因汗下後正氣虛而本音失則鄭重語散不知高下大小便自利手足冷名鄙聲宜中和之劑治之此與獨語不相類方論開在的本槌法中不再錄

一傷寒差後交接潘樂無病人反得病者名陰陽易宜清涼解毒之劑治之此與女勞復不相類方論開在的本槌法中不再錄

一傷寒差後交接潘樂不因易自病復發者名女勞復與前陰陽易同治法方論開在的本槌法中不再錄

一傷寒失於汗下或因汗下後虛令人氣逆不相接



續者名短氣分虛實治之此與喘證不相類方論開在的木槌法中不再錄

一傷寒失於汗下或因飲水過多令人擡肩頓吐氣

逆上者名發喘分表裏承氣治之此與短氣不相類

方論開在的木槌法中不再錄

一傷寒麻黃湯證誤下之心下滿悶不痛者名痞氣

分虛實治之此與結胸不相類方論開在的木槌法

中不再錄

一傷寒桂枝湯證誤下之心下滿硬而痛者名結胸分

緩急治之此與痞滿不相類方論開在的木槌法中

不再錄

一傷寒證病一陽經或三陽經同病不傳者名合病  
分在經過經治之此與併病不相類方論開在的本  
槌法中不再錄

一傷寒證一陽經先起未盡又過一經之傳者名併  
病分在經在腑治之此與合病不相類方論開在的  
本槌法中不再錄

一傷寒或汗下大過或恣飲冷水水寒相搏虛逆聲  
濁惡而長名噦此與乾嘔不相類輕則和解疎利重  
則溫散方論開在的本槌法中不再錄

一傷寒熱在胃與谷乳併熱氣上重無物者乾嘔  
分實熱水氣消之此與嘔證不相類方論開在的本  
槌法中不再錄

一傷寒有頭疼發熱惡寒脈沉此名太陽脈但少陰  
當辛溫之劑散之與少陰證不相類方論開在的本  
槌法中不再錄

一傷寒無頭疼止則惡寒惡寒脈沉此名少陰證但  
太陽當辛溫之劑散之與太陽證不相類方論開在  
的本槌法中不再錄

一傷寒頭疼惡寒身熱有名表熱以辛散之與裏熱

不相類方論開在的本槌法中不再錄

一傷寒與頭疼無惡寒及怕熱燥渴口苦舌乾譫語大便實名裏熱此與表熱不相類方論開在的本槌法中不再錄

一傷寒頭疼身熱惡寒有名表惡寒當辛甘散之此與裏惡寒不相類方論開在的本槌法中不再錄

一傷寒無頭疼無身熱而惡寒厥冷踈卧不渴或吐瀉腹痛戰慄者名裏惡寒當辛熱之劑溫之此與表惡寒不相類方論開在的本槌法中不再錄

一提金卷之四

終